



Infurmaziuns per ils geniturs resp. las personas responsablas per l'educaziun concernent ils examens d'admissiun en la 1. classa dal gimnasi da 6 onns a las scolas medias grischunas

1. Basa legala

Per ils examens d'admissiun en la 1. classa dal gimnasi da 6 onns vala l'Ordinaziun davart la procedura d'admissiun a las scolas medias (Ordinaziun d'admissiun a las scolas medias; DG 425.060). L'ordinaziun po vegnir retratga tar ils secretariats da las differentas scolas medias u chargiada giu da l'internet (p.ex. www.ahb.gr.ch).

2. Termin d'annunzia e data d'examen

La perioda per l'annunzia electronica per ils examens, l'ultim termin d'annunzia sco er la data da l'examen chattais Vus online sut www.ahb.gr.ch > Rumantsch > Examens d'admissiun.

S'annunziar ston ins online sut www.zap.gr.ch. La taxa d'examen importa 100.– francs. Sch'il termin da pajament na vegn betg observà, na chaschuna quai betg l'exclusiun da l'examen, effectuescha però la procedura d'incasso (admoniziun, scussion e.u.v.).

Sche l'annunzia vegn fatga memia tard, è ina participaziun als examens d'admissiun esclusa (art. 6 al. 3 Ordinaziun d'admissiun a las scolas medias).

3. Admissiun als examens d'admissiun chantunals en la 1. classa dal gimnasi

A l'examen d'admissiun chantunal vegnan admess mo scolaras e scolars grischuns da la 6. classa da la scola primara, sche almain in da lur geniturs ha ses domicil en il chantun Grischun (art. 7a al. 1 cifra 1 Ordinaziun d'admissiun a las scolas medias).

4. Emprima lingua

Tenor l'art. 6 al. 2 da l'Ordinaziun d'admissiun a las scolas medias decleran las candidatas ed ils candidats – a chaschun da l'annunzia ed ensemen cun lur personas responsablas per l'educaziun – ina da las linguas chantunals sco lur emprima lingua, q.v.d. sco quella lingua, en la quala els vulan vegnir examinads.

5. Roms d'examen

Als examens d'admissiun vegnan las candidatas ed ils candidats examinads tenor lur declaraziun (cf. cifra 4) en

- Deutsch
- Mathematik/matematica (part 1 en scrit e part 2 quintar a chau en moda fixada) resp.
- rumantsch
- matematica/Mathematik (part 1 en scrit e part 2 quintar a chau en moda fixada) resp.
- italiano

- matematica/Mathematik (part 1 en scrit e part 2 quintar a chau en moda fixada).

6. Pretensiuns

Las pretensiuns per l'admissiun en ina scola media grischuna èn descrittas pli detagliadamain en las «Disposiziuns davart las enconuschientschas preliminaras». Quellas pon vegnir retratgas tar ils secretariats da las singulas scolas medias u chargiadas giu da l'internet (p.ex. <http://www.ahb.gr.ch>). Infurmaziuns respectivas dattan er las persunas d'instrucziun da la scola populara cedenta sco er las singulas scolas medias.

7. Criteris d'admissiun

Tenor l'art. 22 al. 1 cifra 1 Ordinaziun d'admissiun a las scolas medias sto vegnir cuntanschida ina media d'examen da 4.50 per reussir ils examens d'admissiun en la 1. classa dal gimnasi. Ultra da quai na dastgan las divergenzas envers las notas dals roms d'examen – da la nota 4 vers engiu – betg importar dapli che 0.75 puncts.

La 1. classa na po betg vegnir repetida. Tgi che n'ademplescha betg las disposiziuns da promoziun, sto entrar en la scola secundara (art. 24 al. 2 Ordinaziun d'admissiun a las scolas medias). Singuls detagls en chaussa chattais Vus sin la pagina d'internet www.mittelschulen.gr.ch.

8. Nota d'admissiun

Las candidatas ed ils candidats che absolvan l'examen d'admissiun durant la 6. classa primara d'ina scola che instruescha tenor il Plan d'instrucziun 21 en il champ d'applicaziun d'ina legislaziun chantunala davart las scolas (pia senza onn intermediar u onn da scolaziun supplementar), han il dretg ch'i vegnia resguardada ina nota d'admissiun. Tut las autras candidatas ed ils auters candidats n'han betg quest dretg (art. 15 al. 1 cifra 1 Ordinaziun d'admissiun a las scolas medias).

La nota d'admissiun vegn calculada tenor las disposiziuns vertentas en l'Ordinaziun davart la procedura d'admissiun a las scolas medias (art. 16 al. 1 fin 3 Ordinaziun d'admissiun a las scolas medias). Questas disposiziuns sa cloman sco suonda:

La nota d'admissiun a la 1. classa gimnasiala vegn calculada a maun da l'emprim attestat da semester da la 6. classa primara sco media arrundada sin duas cifras suenter il punct da las notas dals roms: emprima lingua; segunda lingua; englais; aritmetica e geometria; natira, uman e societad; art figurativ; chant e musica; moviment e sport; medias ed informatica. Sco segunda lingua vala per scolaras e scolars da scolas u da classas bilinguas ina da las duas linguas chantunalas che vegnan duvradas sco lingua d'instrucziun.

9. Cumpensaziun da dischavantatgs

Per far valair ina cumpensaziun da dischavantatgs vegni renvià a la Disposiziun da l'Uffizi per la furmaziun media-superiura dal 1. da fanadur 2024 concernent il relasch da las directivas davart la cumpensaziun da dischavantatgs tar ils examens d'admissiun ad ina scola media grischuna (cf. www.mittelschulen.gr.ch > Rumantsch > Documentaziun > Leschas ed ordinaziuns).

10. Cumportament en cas da malsogna u en cas d'impediments fisics e psychics

- Sch'ina candidata u in candidat ha problems da sanadad u impediments, ston quels vegnir communitgads, sche pussaivel, a medem temp cun l'annunzia, il pli

tard dentant **avant** che l'examen ha lieu, e quai tant a la direcziun al lieu d'examen sco er al secretariat d'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attestat dal medi.

- Candidatas e candidats che na pon betg participar a l'examen pervia da problems da sanadad imprevis u pervia d'in accident, ston communitgar quai uschè svelt sco pussaivel, il pli tard dentant **avant** che l'examen ha lieu, tant a la direcziun al lieu d'examen sco er al secretariat d'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attestat dal medi.
- Candidatas e candidats che na pon betg cuntinuar cun ils examens **durant** che quel ha lieu, pervia da problems da sanadad imprevis u pervia d'in accident, ston communitgar quai immediatamain a la direcziun dal lieu d'examen ed appurtar **anc il medem di** in attestat dal medi. A medem temp sto vegnir infurmà il secretariat d'examen (Uffizi per la furmaziun media-superiura, Grabenstrasse 1, 7001 Cuira, support@zap.gr.ch).
- Problems da sanadad u impediments che vegnan fatgs valair memia tard resp. posteriuramain na pon betg vegnir resguardads. Spezialmain candidatas e candidats che fan l'examen d'admissiun e che san, ch'els han ina restricziun existenta da la sanadad u in impediment, n'han nagin dretg d'annullar resp. da repeter l'examen.

11. Examen supplementar

La cumissiun dals examens d'admissiun decida – resguardond che las disposiziuns menziunadas qua survat vegnian observadas (guardar cifra 10) – davart l'admissiun a l'examen supplementar e davart la dimensiun da quel.

Ils examens supplementars han lieu en la scola media chantunala a Cuira (Scola chantunala grischuna). La data da l'examen supplementar chattais Vos online sut www.ahb.gr.ch > Rumantsch > Examens d'admissiun.

12. Meds d'agid e material

En il rom d'examen emprima lingua n'èn admess nagins meds d'agid. Lingera, geotriangul e fieuters fluorescents dastgan dentant vegnir duvrads.

En il rom d'examen matematica part 1 dastgan ins duvrar il circol, il geotriangul ed ina lingera.

Ils examens ston ins scriver cun in **culli** blau u nair u cun **tinta** blava u naira. Stilografs Pilot n'èn betg permiss.

Tut las dumondas ston vegnir schliadas directamain sin ils documents d'examen.

Als examens èsi scumandà da duvrar meds d'agid che n'èn betg admess expressivamain (per exempel calculaturs da giaglioffa, vocabularis monolings u bilings, vocabularis electronics, handys u smartwatches).

A l'examen da l'emprima lingua ston ins prender cun sai quai che suonda:

- stilograf u culli (blau u nair)
- lingera, geotriangul e fieuters fluorescents dastgan ins prender cun sai / duvrar.

A l'examen da matematica part 1 ston ins prender cun sai quai che suonda:

- stilograf u culli (blau u nair)
- rispli (dumondas da construcziun vegnan fatgs cun rispli), gumma, gizzarisplis, color verda (per marcar las soluziuns da las dumondas da geometria), circol, geotriangul e lingera.

A l'examen da matematica part 2 ston ins prender cun sai quai che suonda:

- Nagut. Ins dastga duvrar mo il culli che vegn mess a disposiziun.

Als examens d'admissiun ston las candidatas ed ils candidats preschentar in document d'identitad valaivel (carta d'identitad, passaport u document da legitimaziun da persunas estras).

13. Exclusiun da l'examen

Il diever da meds d'agid scumandads sco er mintga malonestad chaschunan l'exclusiun dals examens d'admissiun.

14. Communicaziun da la decisiun d'examen

Tenor l'art. 14 Ordinaziun d'admissiun a las scolas medias vegn il resultat da l'examen communitha a las candidatas ed als candidats en scrit ed en moda centrala exclusivamain tras la cumissiun dals examens d'admissiun. La communicaziun vegn fatga per posta A, cun resalva d'incaps betg previsibels, il di ch'è inditgà sin la pagina d'internet da l'Uffizi per la furmaziun media-superiura (www.ahb.gr.ch > Rumantsch > Examens d'admissiun). Il medem di a partir da las 18.00 po vegnir consultà il resultat da l'examen online sut www.zap.gr.ch. Per la consultaziun online vegnan duvradas las datas d'access ch'èn vegnidas utilisadas per l'annunzia electronica a l'examen (adressa dad e-mail e pled-clav).

15. Uras, telefonins ed ulteriurs apparats electronics

Telefonins ed ulteriurs apparats electronics ston esser ord funcziun durant ils examens d'admissiun e vegnir deponids en la bagascha. Uras ston medemamain vegnir deponidas en la bagascha. Ils locals d'examen èn munids cun uras.

16. Ulteriuras infurmaziuns

Ulteriuras infurmaziuns davart ils examens d'admissiun survegnis Vus da las singulas scolas medias dal Grischun u dal secretariat d'examen (Grabenstrasse 1, 7001 Cuira, tel. 081 257 61 70 u 081 257 61 69).

Adressas d'internet dals uffizis chantunals cumpetents:

Uffizi per la furmaziun media-superiura

<http://www.ahb.gr.ch>

Uffizi per la scola populara ed il sport

<http://www.av.sr.ch>

Adressas d'internet da las scolas medias dal Grischun cumpetentas:

Academia Engiadina Samedan, scola media <http://www.academia-engiadina.ch>

Scola media chantunala Cuira

(Scola chantunala grischuna)

<http://www.bks-campus.ch>

Scola media evangelica Schiers

<http://www.ems-schiers.ch>

Gimnasi ed internat Claustera da Mustér

<http://www.gymnasium-kloster-disentis.ch>

Institut autalpin Ftan

<http://www.hif.ch>

Lyceum alpinum Zuoz

<http://www.lyceum-alpinum.ch>

Scola media svizra alpina Tavau

<http://www.samd.ch>